



14
1666
6





寶
笈
錄



三
輔
決
錄



門 4
號 1666
卷 6

順德龍氏知服齋
鑄通州張謇書者

早稻田 大學 圖書館
28.9.7 文
藏 書

三輔決錄序

賜進士出身知玉屏縣事翰林院庶吉士武威張 澍纂

史通書志篇云譜牒之作盛于中古漢有趙岐三輔決錄
晉有摯虞族姓記江左有兩王百家譜中原有方思殿格
蓋氏族之事盡在是矣補注篇云若摯虞之三輔決錄陳
壽之季漢輔臣周處之陽羨風土常璩之峽陽士女文言
美詞列于章句委曲敘事存于細書按岐纂決錄據其自
序竝昔人徵引逸篇其書不類譜牒至摯虞之注與陳壽
等三書亦不相侔劉氏所考未為精確大抵簡者為錄詳
者為注又決錄多作韻語即史通所謂文言美句也諸書
徵引錄與注不盡分晰余鈔撮特分別之隨志七卷舊唐
志亦七卷新唐志十卷故多于壽今定為二卷

志亦少尋漢志十卷地志十卷今定為一卷
 增補與志不盡公補余燧影於公限之謂志十卷書
 晉書又史錄之非謂詩史也限之謂志十卷書
 三書亦不詳辨隆月祖亦不為詳謝大非簡書意
 其故昔人論其書不詳辨隆月祖亦不為詳謝大非簡書意
 夫偏風于章句委曲於章句于職書其地集其書其自
 高之季莫補其風之謂漢風士常無之學謂士文文言
 益月效之車盡其矣矣補其書云皆筆與之三輔史錄
 言自筆與效其書云皆筆與之三輔史錄
 又漢書志云謂之非益于中古其書其地三輔史錄
 三輔史錄序

三輔決錄原序

三輔者本雍州之地世世徙公卿吏一有大二千石及高
 賢皆一作以陪諸陵五方之俗雜會非一國之風不但繫
 于詩秦幽也其為士好高尚義貴于名行其俗失則趨執
 進權惟利是視余以不才生于西土耳能聽而聞故老之
 言目能視而見衣冠之疇心能識而觀其賢愚常以予冬
 夢黃髮之士姓名明字子真與余寤言言必有中善否
 之間無所依違命操筆者書之近從建武以來暨于斯今
 其人既亡行乃可書玉石朱紫由此定矣故謂之決錄矣
 後漢書
 本傳注

澗按冊府元龜引故謂之決錄下又云歧恐時人不盡
 其意故隱其書惟以示同郡嚴象又按太平御覽引云
 予以予冬修而夜思而未之得也忽然而寢夢此黃髮

之老叟姓爲乎明字日子真與寤言言必有中夢中指言褒貶之事予授其人子真評之善否之間無所依違因命操筆者書之謂之決錄字句與本傳注引微異

其人謂之許氏可書王以米粟由北宮矣或謂之或給矣
之問無視對命辭華香書之或給或否以米粟王祺令
之謂與之士披字皆則字子真與余謀言言必存中善否
言曰游與而只本原之謂心論論而論其真思當以子
十餘卷則也其說士我高尙兼貴于許其論矣眼感特
其言一非以謂論五式之符論會非一國之風不財
三編皆本蘇州之州也也公職吏一許大二千以又高
二編史籍原也

後漢書趙岐傳

趙岐字邠卿京兆長陵人也初名嘉生于御史臺因字臺卿後避難故自改名字示不忘本土也岐少明經有才藝娶扶風馬融兄女融外戚豪家岐常鄙之不與融相見仕州郡以廉直疾惡見憚年三十餘有重疾臥蓐七年自慮奄忽乃爲遺令教兄子曰大丈夫生世遯無箕山之操仕無伊呂之勳天不我與復何言哉可立一圓石于吾墓崑刻之日漢有逸人姓趙名嘉有志無時命也奈何其後疾瘳永興二年辟司空掾議二千石得去官爲親行服鞠廷從之其後爲大將軍梁冀所辟爲陳損益求賢之策冀不納舉理劇爲皮氏長會河東太守劉祐去郡而中常侍左悺兄勝代之岐恥疾宦官即日西歸京兆尹延篤復以爲功曹先是中常侍唐衡兄玆爲京兆虎牙都尉郡人以玆

進不由德皆輕侮之岐及從兄襲又數爲貶議玆深毒恨延熹元年玆爲京兆尹岐思既及乃與從子戡逃避之玆果收岐家屬宗親陷重法盡殺之岐遂逃難四方江淮海岱靡所不歷自匿姓名賣餅北海市中時安丘孫嵩年二十餘遊市見岐察非常人停車呼與共載岐悲失色嵩乃下帷令騎屏行人密問岐曰視子非賣餅者又相問而色動不有重怨卽亡命乎我北海孫賓石闔門百口孰能相濟岐素聞嵩名卽以實告之遂以俱歸嵩先入白母日出行乃得死友迎入上堂饗之極歡藏岐複壁中數年岐作扈屯歌二十三章後諸唐死滅因赦乃出三府聞之同時竝辟九年乃應司徒胡廣之命會南匈奴烏桓鮮卑反叛公卿舉岐擢拜并州刺史岐欲奏守邊之策未及上會里黨事免因譏次以爲禦寇論靈帝初復遭黨錮十餘歲中

平元年四方兵起詔選故刺史二千石有文武才用者檄岐拜議郎車騎將軍張溫西征關中請補長史別屯安定大將軍何進舉爲敦煌太守行至襄武岐與新除諸郡太守數人俱爲賊邊章等所執賊欲脅以爲帥岐詭辭得免展轉還長安及獻帝西都復拜議郎稍遷太僕及李傕專政使太傅馬日磾撫慰天下以岐爲副日磾行至洛陽表別遣岐宣揚國命所到郡縣百姓皆喜曰今日乃復見使者車騎是時袁紹曹操與公孫瓚爭冀州紹及操聞岐至皆自將兵數百里奉迎岐深陳天子恩德宜罷兵安人之道又遺書公孫瓚爲言利害紹等各引兵去皆與岐期會洛陽奉迎車駕岐南到陳畱得篤疾經涉二年期者遂不至興平元年詔書徵岐會帝當還洛陽先遣衛將軍董承修理宮室岐謂承曰今海內分崩唯有荊州境廣地勝西

通巴蜀南當交趾年穀獨登兵人差全岐雖迫大命猶志
報國家欲自乘牛車南說劉表可使其身自將兵來衛
廷與將軍并心同力共獎王室此安上救人之策也承
表遣岐使荊州督租糧岐至劉表即遣兵詣洛陽助修
宮室軍資委輸舟後不絕時孫嵩亦寓于表表不爲禮
岐乃稱嵩素行篤烈因其上爲青州刺史岐以老病遂
留荊州曹操時爲司空舉以自代光祿勳桓典少府孔
融上書薦之于是就拜岐爲太常年九十餘建安六年
卒先自爲壽藏圖季札子產晏嬰叔向四像居賓位
又自畫像居主位皆爲讚頌敕其子曰我死之日墓
中聚沙爲牀布單白衣散髮其上覆以單被即日便
下下訖便掩坎岐多所述作著孟子章句三輔決錄
傳于時

澍按太平廣記引范曄後漢書云趙岐字邠卿京兆杜

陵人多才藝善畫自爲壽藏于郢城中畫季札子產晏
嬰叔向四人居賓位自居主位各爲讚頌獻帝建安六
年官至太常卿與今書微異又按水經注地理志曰楚
別邑故郢矣王莽以爲郢亭城中有趙臺卿冢岐平生
自所營也冢圖賓主之容用存情好敘其宿尚是岐依
劉表時沒葬于郢也

晉書摯虞傳

摯虞字仲治京兆長安人也父模魏太僕卿虞少事皇甫
謐才學通博著述不倦郡檄主簿虞嘗以死生有命富貴
在天天之所祐者順也人之所助者信也履信思順所以
延福違此而行所以速甌然道長世短甌福舛錯怵迫之
徒不知所守蕩而貢憤或迷或放故借之以身假之以事
先陳處世不遇之難遂弃彝倫輕舉遠遊以極常人罔惑
之情而後引之以正反之以義推神明之應于視聽之表
崇否泰之運于智力之外以明夫任命之不可違故作思
遊賤其辭超詣爲世所稱舉賢良與夏侯湛等十七人策
爲下第拜中郎武帝詔諸賢良方正眞言會東堂親策之
虞對切眞擢爲太子舍人除聞喜令時天子畱心政事又
吳寇新平天下又安虞上太康頌以美晉德帝嘉之以母

三車錄
息去職久之召補尚書郎將作大匠陳勰掘地得古尺尚書奏今尺長于古尺宜以古爲正潘岳以爲習用已久不宜復改虞駁曰昔聖人有以見天下之頽而擬其形容象物制器以存時用故參天兩地以正算數之紀依律計分以定長短之度其作之也有則故用之也有徵考步兩儀則天地無所隱其情準正三辰則縣象無所容其謬施之金石則音韻和諧措之規矩則器用合宜一本不差而萬物皆正及其差也事皆反是今尺長於古尺幾于半寸樂府用之律呂不合史官用之歷象失占醫署用之孔穴乖錯此三者度量之所由生得失之所取徵皆絀闕而不得通故宜改今而從古也唐虞之制同律度量衡仲尼之訓謹權審度今兩尺竝用不可謂之同知失而行不可謂之謹不同不謹是謂謬法非所以軌物垂則示人之極凡物

有多而易改有少而難變亦有改而致煩有變而之簡度量是人所常用而長短非人所戀惜是多而易改者也正失于得反邪于正一時之變永世無二是變而之簡者也憲章成式不失舊物季末苟合之制異端雜亂之用當以時釐改貞夫一者也臣以爲宜如所奏又表論封禪事儀典甚悉虞又以漢末喪亂譜傳多亡失雖其子孫不能言其先祖篡族姓昭穆十卷上疏進之以爲足以備物致用廣多聞之益以定品違法爲司徒所劾詔原之時太廟初建詔普增位一等後以主者承詔失旨改除之虞上表曰臣聞昔之聖明不愛千乘之國而惜桐葉之信所以重至尊之命而達于萬國之誠也痔乙巳詔書遠稱先帝遺惠餘澤普增位一等以酬四海欣戴之心驛書班下被于遠近莫不鳥騰魚躍喜蒙德澤今一旦更以主者思文不審

收既往之詔奪已樹之恩臣愚竊以爲不可詔從之元康中遷吳王友時荀顗篡新禮使虞討論得失而後施行元皇后崩杜預奏諒闇之制乃自上古是以高宗無服喪之文而唯文稱不言漢文限三十六日魏氏以降既虞爲節皇太子與國爲體理宜釋服卒哭便除虞答預書曰唐稱過密殷云諒闇各舉事以爲名非既葬有殊降周室以來謂之喪服喪服者以服表喪今帝者一日萬機太子監撫之重以宜奪禮葬訖除服變制通理垂典將來又何必附之于古使老儒致爭哉皇太孫尚薨有司奏御服齊衰甚詔令博士議虞曰太子生舉以成人之禮則殤理除矣太孫亦體君傳重由位成而服全非以年也從之虞又議玉輅兩社事皆有依據後歷祕書監衛尉卿從惠帝幸長安及東軍來迎百官奔散遂流離鄠杜之間轉入南山糧絕

饑甚拾橡實而食之後得歸洛陽歷光祿勳太常卿時懷帝親郊自元康已來不親郊祀禮儀弛廢虞考正舊典法物粲然及洛京荒亂盜竊縱橫人饑相食虞素清貧遂以餒卒虞篡文章志四卷注解三輔決錄又篡古文章類聚區分爲三十卷名曰流別集各爲之論辭理愜當爲時所重虞善觀元象嘗謂友人曰今天下方亂避難之國其唯涼土乎性愛士人有表薦者常爲其辭東平太叔廣樞機清辯廣談虞不能對虞筆廣不能答更相嗤笑紛然于世云

Blank area with vertical lines, likely a placeholder for text or a diagram.

三輔決錄卷一

漢太僕趙岐纂 晉秘書監摯虞注 武威張澍曾輯

趙岐初名嘉年三十有重疾臥蓐七年不藥自慮奄忽乃

為命勅兒一作遺令勅一作遺令曰丈夫生一世處無箕山二公之操

仕無伊摯呂尚之勛天不我與復何言哉聊立一圓石樹

吾墓前刻之曰漢有逸民趙姓名嘉有志無時命也奈何

其後病愈一作疾瘳御覽引決錄注 太平

趙岐避難於四方江海岱淮一作無所不至自匿姓名布

衣布絮賣餅北海市安丘孫嵩年二十餘游市見趙微察

知非常人駐車呼與共載曰我北海孫賓願終不相負岐

聞嵩卽以實告遂與俱歸嵩先入白母曰今日出得死友

在外岐卽匿孫家積年乃出後詣劉表時孫嵩流離在劉

表末座不為表所識岐遙識之向表說嵩表甚奇一作重

三輔漢錄卷一
之同共表嵩為青州刺史

太平御覽
引漢錄

澍按鄭康成傳黨事起與同郡孫高等俱被禁錮即賓
願也

趙岐避難至北海於市中販胡餅孫嵩乘犢車入市見岐
疑非常人問曰自有餅耶曰販之嵩曰買幾錢賣幾錢岐
曰買三十賣亦三十嵩曰視處士之狀非賣餅者乃開車
後載還家

北堂書鈔
引漢錄

岐娶馬敦女宗姜為妻敦兄子融嘗至岐家多從賓與從
妹宴飲佚樂日夕乃出過問趙處所在岐亦厲節不以妹
晉之故屈志於融也與其友書曰馬季長雖有名當世而
不持士節三輔高士未曾以衣裾撤其門也岐曾讀周官
二義不通一往造之賤融如此也

後漢書注
引漢錄

澍按葉抱崧說叩引三輔漢錄趙岐取馬續女宗姜為

妻續兄子融岐曰妹婿之故屈志於融有訛脫字當作
岐不以妹婿之故又按馬嚴七子固伉欵鱗融留續續
字季則為融弟岐安得呼為妹葺乎嚴弟敦官中郎將
岐所娶者其女也葉氏引譌

岐還至陳倉復遇亂兵裸身得免在草中十二日不食也

後漢書引
漢錄注

岐從兄襲字元嗣先是杜伯度崔子玉以工草書稱於前
代襲與羅暉拙書見嗤於張伯英英頗自矜高與朱賜書
云上比崔杜不足下方羅趙有餘也

後漢書注太平
御覽引漢錄注

澍按藝文類聚引云趙襲為敦煌太守先是杜伯度崔
子玉以工草書稱於前世襲與羅暉亦以能草頗自矜
誇故張伯英與襲同郡太僕朱賜書日上比崔杜不足
下方羅趙有餘又王僧虔名書錄趙襲作趙恭朱賜作

朱寬

岐長兄磐州都官從事早亡次兄無忌字世卿部河東從

事為唐玘所殺後漢書注
引汝錄注

岐為皮氏長抑彊討姦大興學校後漢書注
引汝錄注

是時綱維不攝闔豎專權岐擬前代連珠之書四十章上

之畱中不出後漢書注
引汝錄注

矯慎字仲彥扶風茂陵人也少慕松喬導引之術隱遯山

谷與南郡太守馬融并州刺史蘇章鄉里並時然二人純

遠不及慎也汝南吳蒼甚重之因遺書以觀其志曰蓋聞

黃老之言乘虛入冥藏身遠遯亦有理國養人施於為政

至如登山絕迹神不著其證人不覩其驗吾從先生歎其

可者於意何如昔伊尹不懷道以待堯舜之君方今明明

四海開關巢許無為箕山夷齊悔入首陽足下審能騎龍

弄鳳翔嬉雲間者亦非狐兔燕雀所敢謀也慎不答年七

十餘竟不肯娶後忽歸家自言死日及期果卒後人有見

慎於敦煌者故前世異之或云神仙焉慎同郡馬瑤隱於

汗山以免置為事所居俗化百姓美之號馬牧先生焉

澍按皇甫謐著高士傳所言高隱其文與汝錄相同是

士安依趙氏為傳也今據補

摯峻字伯陵京兆長安人也少治清節與太史令司馬遷

交好峻獨退身修德隱於阡山遷既親貴乃以書勸峻進

曰遷聞君子所貴乎道者三太上立德其次立言其次立

功伏惟伯陵材能絕人高尚其志以善厥身久清玉潔不

以細行荷累其名固已貴矣然未盡太上之所由也願先

生少致意焉峻報書曰峻聞古之君子料能而行度德而

處故悔愆去於身利不可以虛受名不可以苟得漢興以

三輔漢書卷一
來帝王之道於斯始顯能者見利不肖者自屏亦其時也
周易大君有命小人勿用徒欲偃仰從容以遊餘齒耳峻
之守節不移如此遷居太史官爲李陵遊說下腐刑果以
悔慙被辱峻遂高尚不仕卒於阡阡人立祠號曰阡居士
世奉祀之不絕

澍按此皇甫士安高士傳決錄宜有其人今據補

摯恂字季直好學善屬文隱於南山之陰後漢書注引決錄注

澍按皇甫謐高士傳曰摯恂字季直伯陵之十二世孫也明禮易遂治五經博通百家之言又善屬文詞論清美渭濱弟子扶風馬融沛國桓麟等自遠方至者十餘人既通古今而性復溫敏不恥下問故學者尊之常慕其先人之高遂隱於南山之陰初馬融從恂受業恂愛其才因以女妻之融後果爲大儒名冠當世世以是服

恂之知人永和中和帝博求名儒公卿薦恂行侔曾閔學擬仲舒文參長卿才同賈誼實瑚璉器也宜在宗廟爲國碩輔由是公車徵不詣大將軍竇憲舉賢良不就清名顯於世以壽終三輔稱焉

摯茂字子雱以茂才爲郡法曹治財致大富悉散以分宗

人先從貧始以壽終太平御覽引決錄

安丘望之者京兆長陵人也少治老子經恬靜不求進宦號曰安丘丈人成帝聞欲見之望之辭不肯見上以其道德深重常宗師焉望之不以見敬爲高愈自損退爲巫醫於民間著老子章句故老氏有安丘之學扶風耿况王汲等皆師事之從受老子終身不仕道家宗焉

澍按此皇甫士安高士傳決錄宜有其人今據補

梁鴻東出關過京師作五噫之歌曰陟彼北邙兮噫顧瞻

帝京兮噫宮闕崔嵬兮噫民之劬勞兮噫遼遼未央兮噫

北堂書鈔太平御覽引決錄

梁鴻字伯鸞扶風平陵人也遭亂世受業大學博覽不爲章句學畢乃牧豕上林苑中曾誤遺火延及他舍鴻乃尋訪燒者問其所云失悉以豕償之其主猶爲少鴻又以身居作執勤不懈鄰家者老見鴻非恆人乃共責讓主人而稱鴻長者於是始敬異焉悉還其豕鴻不受而去歸鄉里執家慕其高節多欲女之鴻竝絕不娶同縣孟氏有女狀醜擇對不嫁父母問其故女曰欲得賢如梁伯鸞者鴻聞而聘之及嫁始以裝飾八門七日而鴻不答妻乃下請鴻曰吾欲衣褐之人可與俱隱深山者爾今乃衣綺縞傅粉墨豈鴻所願哉妻曰以觀夫子之志耳妾自有隱居之服乃更爲椎髻著布衣操作而前鴻大喜曰此真梁鴻妻也

能奉我矣字之曰德曜孟光居有頃乃共入霸陵山中以耕織爲業詠詩書彈琴以自娛仰慕前世高士而爲四皓以來二十四人作頌因東出關過京師作五噫之歌肅宗求鴻不得乃易姓運期名耀字候光與妻子居齊魯之間有頃又去適吳居皋伯通廡下爲人賃舂每歸妻爲具食舉案齊眉伯通察而異之乃方舍之於家鴻潛閉著書十餘篇疾且告主人曰昔延陵季子葬於贏博之間不歸鄉里慎勿令我子持喪歸去及卒伯通等爲求葬地於吳要離冢傍

澍按北堂書鈔引決錄不全今以高士傳補之

高恢字伯達京兆人也少治老子經恬虛不營世務與梁鴻善隱於蓼陰山中及鴻東游思恢作詩曰烏嚶嚶兮友之期念高子兮僕懷思想念恢兮爰集茲二人遂不復相

見恢亦高抗匿耀終身不仕焉

樹按高士傳多本汝錄今據補

鄭樸字子真谷口人也修道靜默世服其清高成帝時元
舅大將軍王鳳以禮聘之遂不屈揚雄盛稱其德曰谷口
鄭子真耕于巖石之下名振京師馮翊人刻石祠之至今
不絕

樹按漢書注引汝錄鄭子真名樸五字是士安高士傳
必本汝錄為文也今據補又按雲陽宮記鄭子真名樸
隱於谷口高節不屈耕於巖石之下名震京師

張仲蔚平陵人也與同郡魏景卿俱隱身不仕所居蓬蒿
沒人茂文類聚太平御覽引汝錄

樹按世說新語補注引云仲蔚扶風人少與同郡魏景
卿俱修道德隱身不仕明天官博物好為詩賦所居蓬

蒿沒人又按皇甫謐高士傳云張仲蔚者平陵人也與
同郡魏景卿俱修道德隱身不仕明天官博物善屬文
好詩賦常居窮素所處蓬蒿沒人閉門養性不治榮名
時人莫識唯劉龔知之是士安依趙氏汝錄為文也世
說云張仲蔚隱居平陵蓬蒿滿宅唯開一行徑

蔣詡歸鄉里荆棘塞門舍中有三徑不出惟求仲羊仲從
之游二人不知何許人皆治車為業時人謂之二仲北堂書鈔

引汝錄

樹按嵇康高士傳蔣詡杜陵人詡為兗州王莽為宰衡
詡奏事到霸上移疾歸杜陵荆棘塞門舍中三徑終身
不出時人諺云楚國二龔不如杜陵蔣翁

蔣詡字元卿舍中三徑惟裴仲羊仲從之游二仲皆推廉
逃名之士太平御覽引汝錄

澍按文選注引推作挫御覽引廉下有潔字又之士二字文選注引作不仕司馬彪續漢書曰蔣詡字元卿父喪弔者盈門後母疾之不得止舊廬自作小菴於側往如舊

求仲羊仲不知何許人皆治車為業挫廉逃名一作蔣元卿之去兗州還杜陵荆棘塞門舍中有三徑不出惟二人從之游時人謂之二仲陶潛羣輔錄引汝錄

韓康字伯休京兆霸陵人也常遊名山採藥賣於長安市中口不二價者三十餘年時有女子買藥於康怒康守價乃曰公是韓伯休邪乃不二價乎康歎曰我欲避名今區區女子皆知有我何用藥為遂入霸陵山中博士公車連徵不至桓帝時乃備牛糞安車以聘之使者奉詔造康康不得已乃佯許諾辭安車自乘柴車冒晨先發至亭亭

長以韓徵君當過方發人牛修道橋及見康柴車幅巾以為田父也使奪其牛康即釋駕與之有頃使者至奪牛翁乃徵君也使者欲奏殺亭長康曰此自老子與之亭長何辜乃止康因中路逃遁以壽終

澍按皇甫謐高士傳多依汝錄今汝錄闕略據補之伯休一作伯牧

安陵清者有項仲山飲馬渭水每投三錢初學記太平御覽引汝錄

澍按一引錢下有以償之三字又風俗通引潁川黃子廉事與此同太原郝子廉亦有飲水投錢井中事亦見風俗通

王邑為從弟奇求蔣詡女盛服送之詡女辭不取但衣青布曰受父命不敢違邑乃嘆曰所以與賢者婚欲為此也北堂書鈔引汝錄

樹按王邑王莽時為大司空竇融女弟為邑小妻

法真字高卿少明五經兼通讖緯學無常師名有高才常幅巾見扶風守守曰哀公雖不肖猶臣仲尼柳下惠不去父母之邦欲相屈為功曹何如真曰以明府見待有禮故四時鞞覲若欲吏使之真將在北山之北南山之南矣扶風守遂不敢以為吏初真年未弱冠父在南郡步往候父已欲去父留之待正且使觀鞞吏會者數百人真於窗中闚其與父語畢問真孰賢真曰曹掾胡廣有公卿之量其後果歷九卿三公之位世以服真之知人前後徵辟皆不就友人郭正美之號曰平德先生年八十九中平五年卒正父衍字季謀司徒掾廷尉左監蜀志注引汝錄注

涉人間事太守請見之真乃幅巾請謁太守曰昔魯哀公雖為不肖而仲尼稱臣太守虛薄欲以功曹相屈光贊本鞞何如真曰以明府見待有禮故敢自同賓末若欲吏之真將在北山之北南山之南矣太守懼然不敢復言凡辟公府賢良皆不就同郡田翼薦真曰處士法真體兼四業學通典奧幽居情泊樂以忘憂將蹈老氏之高蹤不為彖纁屈也臣願聖明就加衮職必能唱清廟之歌致來儀之鳳矣會順帝西巡翼又薦之帝虚心欲致前後四徵真曰吾既不能遜形遠世豈飲洗耳之水哉遂深自隱絕終不降屈友人郭正稱之曰法真名可得聞身難得而見逃名而名我隨避名而名我追可謂百世之師者矣乃共茱石頌之號曰平德先生年八十九中平五年以壽終

樹按蜀志注所引汝錄與高士傳同傳較詳今補之

姜岐字子平漢陽上邽人也少失父獨以母兄居治書易春秋恬居守道名重西州延熹中沛國橋平為漢陽太守召岐欲以為功曹岐稱病不就平怒敕督郵尹益收岐若不起者趣嫁其母而後殺岐益爭之平怒益搃之益得杖且諫曰岐少修孝義栖遲衡廬鄉里歸仁名宣州里實無辜狀益敢以死守之平怒乃止岐於是高名逾廣其母死喪禮畢盡讓平水田與兄岑遂隱居以畜蜂豕為事教授者滿於天下營業者三百餘人辟州從事不詣民從而居之者數千家後舉賢良公府辟以為茂才為蒲坂令皆不就以壽終於家

澗按此高士傳今據補

丁邯字叔春正直不撓舉孝廉為郎以令史次輔宜作也世祖改用孝廉選邯補為郎邯托疾不就詔問實病羞為

郎乎對曰臣實不病恥以孝廉為令史職耳世祖怒使虎賁杖之數十詔問欲為郎否邯曰能殺臣者陛下也不能為郎者臣也詔出不為郎太平御覽引汝錄北堂書鈔引微略

澗按一引云丁邯舉孝廉為郎呂令史久次補之世祖始改用孝廉邯稱病不就詔問病羞為郎否對曰臣不病恥以孝廉為令史職耳

故事尚書郎以令史久缺補之世祖始改用孝廉為郎以孝廉丁邯補焉邯稱疾不就詔問實病羞為郎乎對曰臣實不病恥以孝廉為令史職耳世祖怒曰虎賁滅頭杖之數十詔問欲為郎否邯曰能殺臣者陛下不能為郎者臣中詔遣出竟不為郎邯字叔春京兆陽陵人也有高節正直不撓後拜汾陽令治有名跡遷漢中太守妻弟為公孫述將收妻送南鄭獄免冠徒跣自陳詔曰漢中太守妻乃

繫南鄭獄誰當搔其背垢者縣牛頭賣馬脯盜跖行孔子語以邯服臯且邯一妻冠履勿謝治有異卒於官漢書百官志注

引決錄

澍按說苑景公好婦人而丈夫飾者國人盡服之公使禁之裂衣斷帶而不止晏子曰服之於內而禁之於外猶縣牛首於門而求買馬肉也詔語本此

竇攸

一有治爾雅三字

舉孝廉為郎世祖大會靈臺得鼠身字有如

豹文問羣臣莫知者攸對曰鼯鼠也見爾雅一作詔諸侯子弟從攸受

詔按秘書如攸言賜帛百疋文選蕭揚州薦士表注引

澍按竇氏家傳竇攸治爾雅舉孝廉為郎世祖與百寮大會靈臺得鼠身如豹文熒有光澤世祖異之問羣臣莫知攸對曰名鼯鼠詔問何以知之攸曰見爾雅詔案視書如攸言賜帛百匹詔諸侯子弟從攸受爾雅是知

鼯鼠者竇攸也而郭璞爾雅注以為終軍係記憶之誤顧野王玉篇仍其譌失之不考

巨訢傲俗自謂無伍太平御覽引決錄

澍按皇甫謐高士傳云巨訢字季春扶風人也少有大才自謂無伍傲世不能與俗人為羣郡守始召見曰明府欲臣訢耶友訢耶師訢耶明府所以尊崇人者極於功曹所以榮祿人者已於孝廉一極一已皆訢所不用也府君異之遂不敢屈

曹眾字伯師與鄉里蘇孺文竇伯向馬季長並游宦惟眾不遇以壽終於家後漢書注引決錄

澍按漢文苑傳扶風曹眾伯師有才學著誄書論四篇又按竇章安豐侯萬全之少子字伯向少好學有文章與馬融崔瑗同好更相推薦馬融集有與竇伯向書曰

孟陵奴來賜書見手迹歡喜何量見於面也書雖兩紙紙八行行七字章後官大鴻臚

孫晨字元公家貧不仕居社城中織箕為業明詩書為郡功曹冬月無被有藁一束莫臥其中旦收之北堂書鈔太平御覽引

澍按晨書鈔作辰元作允

辛繕字公文少治春秋詩易隱居弘農寧陰弟子受業者六百餘人所居有白鹿甚馴不畏人北堂書鈔引

辛繕字公文治春秋識緯隱居寧陰光武徵不至者有大鳥高五尺雞首燕頰蛇頸魚尾五色備具而多青棲繕槐樹旬時不去弘農太守以聞詔問百寮咸以為鳳太史令蔡衡對曰凡象鳳者有五多赤色者鳳多黃者鸞雛多青者鸞紫者鸞鷲白者鷓鴣今五色多青乃鸞非鳳也上善

其言三公間之咸避位辟繕不起太平御覽引

澍按太史令蔡衡一引作張衡

韋豹字季明司徒劉愷甚重之謂曰君以輕去就大位不躋今歲垂盡選御史實欲煩君豹曰犬馬齒盡既無膂力又無考課所以躊躇戀慕者以明公禮遇隆崇未能自割因稱夙有風疾眩冒不堪久侍遂徒跣趨出公追不及太平御覽引

御覽引

澍按韋豹御覽引作韋約今據東觀記改又按平輿令韋順字叔文歷位樂平相去官以琴書自娛不應三公之命後為平輿令吏民立祠社中順弟武陽令豹字季明友人羅陵樵為縣丞卒官喪柩流離豹弃官致喪歸比辟公府輒弃去司徒劉愷尤敬之豹弟廣都長義字季節少好學不求榮利四十乃仕三為令長皆有惠化

以兄喪去官比辟公府不就廣都為立生祠焉皆清河太守韋文高之三子皆以學行知名時人號韋氏三君見京兆舊事劉愷字伯豫般之子見漢書

公孫晨為郡功曹其將軍馬防聞名餽錢四萬晨不敢拒受而埋之閣內北堂書鈔引決錄

澗按馬防字江平官車騎將軍封翟鄉侯

大鴻臚韋彪字孟達與上黨太守公孫伯達河陽長魏仲達皆扶風平陵人同時齊名世號三達孟達名彪丞相賢

五世孫陶潛聖賢羣輔錄引決錄齊相子穀頗隨時俗曹成壽之子也司徒掾察孝廉為長

垣長母為太后師徵拜中散大夫子穀即成之字也漢書注引決錄

澗按首二句是決錄曹成壽以下是摯虞注

周季貞班固姊之子也善屬文喪婦作問神其姊曹大家

難之太平御覽引決錄其姊誤外傳卷五十一長安劉氏惟有孟公論可觀者班皮叔與京兆丞郭季通

書曰劉孟公藏器於身用心篤固實瑚璉之器宗廟之寶也後漢書注引決錄

澗按文選王文憲序注引首有長安劉氏四字今補論可觀者選注作談者取則蘇竟傳劉龔字孟公長安人

善論議扶風馬扶班彪並器重之

南陽舊語曰前隊大夫范仲公鹽豉蒜果其一桶言其廉儉也太平御覽顏氏家訓引決錄

澗按北堂書鈔引上句云范仲公為大夫似誤

井丹字大春少通五經善談論故京師為之語曰五經紛綸井大春北堂書鈔引決錄

井丹舉室疫病梁松自將醫藥治丹太平御覽引決錄

三輔漢書卷一
三
澗按梁松字伯孫茂陵人九江太守統之子尚光武女
舞陰公主遷虎賁中郎將

彭城王國相趙牧字仲師長安人少知名以公正稱修春
秋事樂恢恢以直諫死牧爲陳寃得申舉高第爲侍御史
會稽太守皆有稱績及誣奏霸城靖王恭安帝疑其侵乃
遣御史毋丘歆覆案其事實下牧廷尉會赦不誅終於家
後漢書注
引決錄注

澗案後漢書彭城靖王恭傳元初三年恭以事怒子酺
酺自殺國相趙牧以狀上因誣奏恭祠祀惡言大逆不
道有司奏請誅之恭上書自訟鞫廷以其素著行義令
考實無徵牧坐下獄會赦免死

韋權字孔衡權弟瓚字孔玉瓚弟矩字孔規太尉掾韋子
才之三子皆修仁義兄弟孝友逢盜賊一人病不能去兄

弟相募兵至俱死時人稱之號韋三義

陶潛羣輔
錄引決錄

韋彪爲巴郡太守父老歸供養父嗜餅從至親立車下自
進之

澗按太平御覽引作三輔舊事其文是三輔決錄今補
入又按東觀漢記蕭彪字伯文京兆杜陵人累官巴郡
太守父老乞供養父有賓客輒立屏風後應受使命父
嗜餅每自買進之據此是蕭彪御覽引作韋彪譌

第五頡字子陵爲郡功曹至州從事公府辟舉高第爲侍
御史南頓令桂陽南陽廬江三郡太守諫議大夫洛陽無
主人鄉里無田宅寄止靈臺中或十日不炊司隸校尉南
陽左雄太史令張衡尙書廬江朱建孟興皆與頡故舊各
致禮餉頡終不受永建中卒官

北堂書鈔
引決錄

澗按水經注引云靈臺第五子陵之所居倫少子也以

清正為郡功曹

近來本脫此四字

洛陽無主人鄉里無田宅寄

止靈臺或十日不炊司隸校尉南陽左雄尚書廬江朱

孟興等皆倫故孝廉功曹各致禮餉並辭不受永建中

卒御覽引云第五頡字子陵倫少子以清正為郡功曹

至州從事公府辟舉高弟侍御史南頓令皆稱病免下

接洛陽無主人云云初學記引微略漢書注引功曹下

無至字寄作客無未永建中卒官句

茂陵郭汲為潁川化如時雨摯虞曰汲字細侯光武拜潁

川太守

文選注引汲錄

澍按摯虞曰以下是注又按汲茂陵人高祖父解武帝

時以任俠聞父梵為蜀郡太守

金日磾字翁叔封秬侯有忠勤之節七葉侍中

太平御覽引汲錄

澍按徐堅初學記引作三輔舊事非今補入汲錄又按

漢書作翁叔由馬監遷侍中駙馬都尉光祿大夫封秬

侯子賞建俱侍中賞為奉車建駙馬都尉日磾弟倫字

少卿為黃門郎子安上字子侯少為侍中至建章衛尉

四子常敞岑明岑明皆為諸曹中郎將常光祿大夫敞

為騎都尉光祿大夫中郎將侍中後至衛尉敞子涉本

左曹拜侍中參使匈奴拜匈奴中郎將越騎校尉關都

尉饒為越騎校尉涉兩子湯融皆侍中諸曹將大夫涉

從父弟欽由京兆尹徙光祿大夫侍中

張宇穆之第二子也以父功當封自言兩目失明天子信

之乃封其弟恭其弟子好戲無度放散家財宇悉以所得

千萬與之天子聞而嘉之又知其讓封徵拜議郎

太平御覽引汲錄

高陵龐智伯名勃為郡小吏東平衡農字剽卿為書生窮

乏乃客鍛於勃家勃知其賢優加禮待願直過償會當去

送十里過舅家復貨錢贈之農不肯受勃曰不受合勃不

安農乃受曰為馮翊乃相報別七八年果為馮翊勃為一作

勃門下書佐忘之矣農乃見問一作窮問乃寤舉孝廉為尚書

郎左右丞魏郡太守河內太守太平御覽引決錄

澍按衡農事繼母至孝見搜神記

三輔決錄卷一終

順德龍鳳鑣校棊

三輔決錄卷二

漢太僕趙岐纂 晉祕書監摯虞注 武威張澍督轄

竇叔高名彖以明經為郡上計吏鞞會數百人彖儀狀絕

眾天子異之書鈔作異其貌詔以公主妻之出同輩調笑焉叔高

時已一作自有妻不敢以聞方欲迎婦與訣而詔召叔高就

第成婚太平御覽引決錄

澍按藝文類聚載彖妻別彖書云弃妻斥女敬白竇生

卑賤鄙陋不如貴人妾日以遠彼日以親何所控訴仰

呼蒼旻悲哉竇生衣不厭新人不厭故悲不可忍怨不

可去彼獨何人而居斯處又按彖妻寄書及歌與彖時

人傳之曰癸癸白兔東走西顧衣不如新人不如故

王諶字子嗣博學有才辯洛陽种景伯武原吳季高未知

名諶數稱二人於朱伯厚有宰輔之器退語二人曰卿必

為公後景伯至司徒季高至司空以是服謚之知人也

太平御覽引決錄

澍按後漢書種暲傳河南尹田歆外甥王謚名知人歆謂之曰今當舉六孝廉多得貴戚書命不宜相違欲自用一名士以報國家爾助我求之明日謚送客于大陽郭暻見暲異之還白歆曰為尹得孝廉矣近洛陽門下史也歆笑曰當得山澤隱滯近洛陽吏耶謚曰山澤不必有異士異士不必在山澤歆即召暲於庭辯詰職事辭對有序歆甚知之署主簿遂察孝廉又按朱震字伯厚為州從事奏濟陰太守單匡臯吳雄字季高明法律斷獄平致位司徒非司空也

孝廉杜陵金敞字元休位至兗州刺史上計掾長陵第五巡字文休興先之子興先名種司空伯魚之孫名士也上計掾杜陵韋端字甫休位至涼州牧太尉同郡齊名時人

謂之京兆三休並以光武元年察舉

羣輔錄引決錄

第五種子巡字文休辟太尉掾與杜陵金敞韋端齊名時

人號之京兆三休

太平御覽引決錄

澍按典略云金元休名尚京兆人也尚與同郡韋甫休第五文休俱著名號為三休尚獻帝初為兗州刺史東之部而太祖已臨兗州尚本依袁術術僭號欲以尚為太尉不敢顯言私使人諷之尚無屈意術亦不敢彊也建安初尚逃還為術所害其後尚喪與大傅馬日磾俱至京師天子嘉尚忠烈為之咨嗟詔百官弔祭拜子瑋郎中而日磾不與焉

賈彪兄弟三人並有高名彪最優故天下稱曰賈氏三虎

偉節最怒

太平御覽引決錄

郭祥為太尉長史起大宅在高陵城西稱曰長史宅

太平御覽

引決錄

樂恢字伯奇父親為縣吏有辜令欲殺之恢年十一歲常伏寺門外凍地晝夜常號泣令感而赦之太平御覽引決錄

澍按十一歲一作十三本傳作十一號泣作啼泣末句作令乃出親又一引作鮑恢恢為鮑永都官從事無此事也

樂恢子樂已字伯文為郎非其好也去官後漢書注引決錄

澍按恢京兆長陵人官尚書僕射歸家竇憲風州郡迫脅飲藥死憲誅門生何融等陳恢忠節除子已為郎

賈逵字景伯建初元年受詔列春秋公羊穀梁不如左氏四十事名春秋左氏長義帝大喜賜布五百匹太平御覽引決錄

澍按四十事本傳作三十事與此違異又近刻御覽作字梁道誤為魏志之賈逵也今改正逵扶風平陵人七

世祖誼文帝時為梁王大傅曾祖父光為常山太守宣帝時以吏二千石自洛陽徙焉又按扶風李育元春習公羊春秋作難左氏義四十一事與逵相難往返皆有理證

蘇章為冀州刺史行部有故人為清河太守案得其好貨乃請太守設酒接以溫顏太守喜曰人各有一天我獨有二天章曰今夕蘇孺文與故人歡飲私恩也明日冀州刺

史白奏事公法也遂舉正其辜藝文類聚引決錄

蘇章為冀州刺史召安平崔瑗為別駕太平御覽引決錄

澍按崔瑗字子玉安平人官濟北相

杜恕字務伯拜黃門侍郎每宣省閤威儀矜嚴藝文類聚引決錄

車茂字子康元帝時游學長安以儒行為給事黃門郎藝文類聚引決錄

類聚引決錄

馮豹字德文母為父所出後母遇之甚酷豹事之愈謹時人為之語曰道德彬彬馮德文太平御覽引史錄

馮按豹為馮衍子仕至武威太守徵入為尚書德文一引作仲文與漢書合是德為譌字

馮豹為尚書郎每奏事未報常伏省闈下或自昏至明天子默使人持被覆之初學記太平御覽引史錄

馬融為南郡太守二府以融在郡貪濁受主記掾岐肅錢四十萬融子彊又受吏白向錢六十萬布三百匹以肅為孝廉向為主簿太平御覽引史錄注

馮按馬融集云融茂陵成權里人漢書云將作大匠嚴之子本傳梁冀風有司奏融在郡貪濁免官髡役朔方

雖被劾係忤梁冀旨而貪濁則有迹也

王調字叔和為河南尹永和三年坐買洛陽令同郡仕稜

竹田及上罷城東漕渠免官後漢書注引史錄注

馮按樂恢傳恢入為尚書僕射時河南尹王調洛陽令李阜與竇憲厚從舍自由恢劾奏調阜竝及司隸校尉諸所刺連舉無所回避貴戚惡之

杜陵韋伯考鬻書力養親既登常伯貂璫煌煌承事尤謹北堂書鈔太平御覽引史錄

汝南何比干字少卿為汝陰縣獄吏法曹掾平活數千人後為丹陽都尉獄無冤囚淮汝號曰何公征和三年三月辛亥天大陰雨比干在家日中夢貴客車騎滿門覺以語妻語未已而門有老嫗可八十餘頭白求寄避雨雨甚而衣履不霑漬雨止遂出門乃謂比干曰公有陰德今天錫君策以廣公之子孫因出懷中符策狀如簡長九寸凡九百九十枚以授比干曰子孫佩印綬者當隨一作此算嫗如

東行忽不見自比干以下與張氏俱授靈瑞累世為名族

三輔舊語曰何氏算張氏鉤也

太平御覽引決錄

澍按後漢何敞傳注引何氏家傳曰六世祖父比干字少卿經明行修兼通法律以下文俱與決錄同末有云比干年五十八有六男又生三子本始元年自汝陰徙平陵代為名族又按太平御覽引決錄注云茂陵何比干漢武帝時丞相公孫宏舉為廷尉右平獄無冤民號曰何公

汝南何比干通律法元朔中公孫宏辟為廷尉右平獄無冤民號曰何公征和初去官在家天大陰雨晝寢夢有客車騎覺而一老嫗年八十餘頭盡白求寄避雨兩方甚而嫗衣履不滯比干異之延入座須臾雨止嫗辭去出送至門跪謂比干曰君先出自后稷堯至晉有陰德及公之身

當繼公一天今天賜策以廣公子孫佩印綬者當隨簡長九寸凡九百九十枚以授比干曰子孫佩印綬者當隨此算嫗東行忽不見比干年五十八有六男後三歲復生三男徙平陵八男去一子畱常祭嫗如東行及終遺令東首自比干已下與張氏俱授靈瑞累世為名族三輔舊語曰何氏策張氏鉤也

太平廣記引決錄

澍按顏籀云通典宣帝始置左右平而三輔決錄注云何比干漢武帝時為廷尉右平誤矣此錢戶部儀吉之說

張氏得鉤何氏得算故三輔舊語曰何氏算張氏鉤何氏肥張氏瘦言何氏肥者輒貴瘦人輒賤張氏瘦者輒貴肥者輒賤故二族以鉤算知吉凶以肥瘦知貴賤

太平御覽引決錄注

澍按搜神記長安有張氏獨處一室有鳩自外入止於

牀張氏惡之披懷而祝曰鳩爾來為旤耶飛上承塵上為福耶飛入我懷鳩翻飛入懷乃化為一帶鉤從爾資產巨萬子孫昌盛蜀客至長安聞之乃厚賂婢婢竊鉤以與蜀客張氏既失鉤漸漸衰耗而蜀客亦數罹窮厄不為己利或告之曰天命也不可以力求於是資鉤以反張氏復昌故關中稱張氏鉤也

何敞字文高為汝南太守和帝一作章帝南巡過郡郡有刻鏤

屏風為帝張設之一無之字詔命侍中黃香銘之曰古典務農

雕鏤傷民忠在竭節義在修身敞思禮賢命士改修德化

太平御覽引決錄注

澍按水經注高要縣有鵠奔亭廣信蘇施妻始珠鬼訟於交州刺史何敞處是敞又為交州刺史也又按黃香字文疆江夏安陸人官魏郡太守其子瓊

馬援戒兄子書龍伯高敦篤一作舊周慎口無擇言吾愛之

重之願汝曹效之世祖見援書即擢伯高為零陵太守在

郡四年甚有治化藝文類聚太平御覽引決錄

澍按伯高名述京兆人為山都長

段出老子段干木之子隱如入關去干字漢文帝時段叩

為北地都尉成帝時段會宗為西域都護後漢桓帝世段

顛為太尉皆其裔也氏族略引決錄

澍按古今姓氏書辯證引云段氏李老君之自出段干

木之子隱如入關去干字路史引無漢文帝以下數句

桓帝以平陵魯寬為太子門大夫太平御覽引決錄

長陵田鳳字季宗為尚書郎儀貌端正入奏事靈帝目送

之因題殿柱曰堂堂乎張京兆田郎太平御覽引決錄

澍按末二句顏氏家訓亦引儀貌初學記作容儀

淮陽憲王宣帝愛子器異其才欲以為嗣王恃寵自驕天子乃用韋元成為中尉以輔導受詔與蕭望之等論五經同異於石渠閣太平御覽引決錄

馬日磾字翁叔馬融之族子少傳融業以才學進歷位九卿遂登台輔後漢書注引決錄

澍按魏志注引以才學進句下有與楊彪盧植蔡邕等

典校中書歷位九卿遂登台輔二十字又世說注引云

日磾字翁叔馬融族孫獻帝時太傅與蔡邕楊賜堂谿

典同校定石經

馬后志在克仁輔主不以私家干黜廷兄為虎賁中郎將弟為黃門郎訖永平世不遷藝文類聚引決錄

五門子孫凡民之伍注日門今在河南西四十里澗穀洛

三水之交傳聞馬氏兄弟五人共屠居此作五門客舍因

以為名主養豬賣豚故民為之語日苑中三公鉅下二卿

五門霍霍但聞豬聲太平御覽引決錄

澍按水經注引決錄注云馬氏兄弟五人共居澗穀二

水之交作五門客舍以為名今在河南西四十里漢

書注引注云鉅下地名也初學記獸部引注云以下作

細字馬嚴傳嚴字威卿弟敦字孺卿援卒後嚴乃與敦

俱歸安陵居鉅下三輔稱其義行號日鉅下二卿霍霍

初學記引作嘆嘆

平陵之王惠孟鏘鏘激昂述困於東平後漢書注引決錄

澍按范書王元字惠孟然馬援與楊廣書稱為王游翁

是又字游翁也東觀記元扶風人元降光武初拜上蔡

令遷東平相坐墾田不實下獄死

陳欽傳左氏遠在蒼梧太平寰宇記引決錄

澍按後漢書陳元傳元字長孫蒼梧廣信人也父欽習

左氏春秋事黎陽賈護與劉歆同時而別自名家王莽

從欽受左氏學以為厭難將軍李賢注欽字子佚以左

氏授王莽自名陳氏春秋寰宇記欽封川縣人字子逸

杜預從兄斌亦有才望為黃門郎藝文類聚引決錄注

澍按此是決錄注陝西省志引作決錄非

竇太后父北堂書鈔引云名倚少遭秦亂隱身漁釣書鈔作釣魚墜淵而

死一作景帝立太后登尊號遣使者更字填父所墜淵而

築起大墳於觀津城南人間號為竇氏青山史記索隱引決錄注北堂

書鈔引作決錄

澍按漢地理志引決錄注云孝文竇皇后父隱身漁釣

墜淵而卒景帝立后為太后遣使者更填父所墜淵而

葬起大墳於觀津縣城南民號曰竇氏青山御覽引云

文帝竇后父名倚清河人也未引云觀津城南青山是

也又按隨圖經云觀津東南青冢高三十餘丈周回千

步又云竇后父少翁

弭生一作字仲叔其父賤故張伯英與李幼才書曰弭仲

叔高德美名命世之才也非弭氏小族所當有新豐瘠土

所當出也太平御覽引決錄

王莽時有弭疆漢末新豐人弭仲叔氏族略引決錄

澍按一引決錄云弭仲叔弭倬俱新豐人又漢更始持

節將軍中郎將弭疆新豐人與鄭樵通志引不同又按

弭疆為鄧禹殺見漢書

射援字文雄扶風人也其先本姓謝與北地諸謝同族始

祖謝服為將軍出征天子以謝服非令名改為射子孫氏

焉兄堅字文固少有美名辟公府為黃門侍郎獻帝之初

三輔饑亂堅去官與弟援南入蜀依劉璋璋以堅為長史劉備代璋以堅為廣漢蜀郡太守援亦少有名行太尉皇甫嵩賢其才而以女妻之丞相諸葛亮以援為祭酒遷從事中郎卒官蜀志注引

謝按太平御覽引云漢末大鴻臚射咸本姓謝名服天子命為將軍出征以姓謝名服不祥改為射氏名咸咸一作威又按氏族略引云改姓射名咸咸子登援登蜀郡太守援中郎將登字譌

金旋字元機京兆人歷位黃門侍郎漢陽太守徵拜議郎遷中郎將領武陵太守為劉備所攻劫死蜀志注引

士孫奮字景卿少為郡五官掾起家得錢貲至三億七千萬富聞京師也後漢書注引

平陵士孫奮富聞京師梁冀知奮儉恡以一鏤衢鞍遺奮

從貨五千萬初學記引

謝按梁冀傳扶風人士孫奮居富而性恡冀因以馬乘遺之從貨錢五千萬奮以三千萬與之冀大怒乃告郡縣認奮母為其守藏婢云盜白珠十解紫金千斤以叛遂收考奮兄弟死獄中悉沒貲財億七千餘萬

平陵士孫奮貲至一億七十萬富聞京師而性儉恡從子瑞辟梁冀掾奮送絹五匹食以乾魚太平御覽引

平陵士孫奮富聞京師而性儉恡嘗宿客舍雇錢直甚少主人曰君士夫惜錢如此欲作士孫景卿耶太平御覽引

謝按一引云不知實是景卿下接從子瑞辟梁冀掾奮送絹五匹食以乾魚冀問奮何以相送瑞以實對冀乃以一鏤安車遺奮貨錢五千萬也

士孫瑞字君榮漢書扶風人世為學門瑞少傳家業博通

無所不達仕歷顯位董卓既誅遷大司農為國三老每三公缺瑞常在選中太尉周忠皇甫嵩司徒涪于嘉趙溫司空楊彪張喜等為公皆辭拜讓瑞天子都許追論瑞一作讓功封子萌澹津亭侯漢書注作車亭侯萌字文始亦有才學與王粲善臨當就國粲作詩以贈萌萌有答在粲集中魏志注引汝錄

澗按後漢董卓傳注引微略

士孫萌字文始少有才學年十五能屬文初董卓之誅也萌父瑞知王允必敗京師不可居乃命萌將家屬至荊州依劉表去無幾允果為李傕等所殺及天子都許昌追論誅董卓之功封萌為澹津亭侯與山陽王粲善萌當就國粲作詩以贈萌北堂書鈔引汝錄注澗按文選注引末云於今詩猶存也

張既為兒童為郡功曹游殷察異之引既過家既敬諾殷先歸敕家具賓饌及既至殷妻笑曰君其悖乎張德容童昏小兒何異客哉殷曰卿勿怪乃方伯之器也殷遂與既論霸王之略饗訖以子楚託之既謙不受殷固託之既以殷邦之宿望難違其旨乃許之殷先與司隸校尉胡軫有隙軫誣構殺殷殷死月餘軫得疾患自說但言伏臯伏臯游功曹將鬼來於是遂死於時關中稱曰生有知人之明死有貴神之靈子楚字仲充為蒲坂令太祖定關中時漢興郡缺太祖以問既既稱楚才兼文武遂以為漢興太守後轉隴西魏志注引汝錄

澗按御覽引云軫害殷月餘得病因脫衣但言伏臯幼齊將鬼來於是遂死諺云生有知人之明死有鬼靈之驗

張既字德容為兒童郡功曹游殷察異之太平御覽又引云游殷字幼齊

與司隸校尉胡軫有隙軫誣搆殺之初殷為郡功曹有童

張既者時未知名為郡書佐殷察異之既過家具設云云

殷先歸敕家設賓饌殷妻笑曰悼乎句張德容童昏小

兒何異於客一無哉殷曰有卿方伯之器也殷遂與既

論霸王之略饗訖以子楚託之一作以妻子託之

游殷為胡軫所害同郡吉伯房郭公休與殷同歲相善為

總麻三月太平御覽

澍按九州春秋董卓以東郡大守胡軫為太督呂布為

騎督軫性急又云軫字文才涼州人又按寧嶽廟殘碑

陰有故功曹司隸茂才司空掾池陽郭匪公休故功曹

司空掾池陽吉鸞伯房故功曹太尉掾頻陽游殷幼齊

是公休名匪伯房名鸞也

游楚上表乞宿衛拜駙馬都尉楚無學好遨游音樂及曲

一作畜 歌者琵琶箏箏每行將以自隨太平御覽

平陵孟佗字伯郎靈帝時中常侍張讓專執政讓監奴典

任家計孟佗盡以家財賂張讓監奴共結親厚積年眾奴

心慙問佗所欲佗曰欲得卿一作汝曹一拜奴等皆許諾時

賓客求見讓者門車常數百乘或累日不得通佗最後至

諸奴以其至皆迎而拜之徑將佗車獨入眾人大驚謂佗

與讓善爭以珍物賂一作遺佗佗得盡以賂讓讓大喜後以

葡萄酒一斗遺讓即拜為涼州刺史太平御覽

澍按後漢書注引三輔史錄注曰佗字伯郎以葡萄酒

一斗遺張讓讓即拜佗為涼州刺史

伯郎涼州人名不令休其注曰伯郎姓孟名他扶風人靈

帝時中常侍張讓專執政讓監奴典護家事他仕不遂乃

盡以家財賂監奴與其結親積年家業為之破盡眾怒皆

三輔漢書卷一
二
慙問他所欲他曰欲得卿曹拜耳奴被恩久皆許諾時賓
客求見讓者門下車常數百乘或累日不得通他最後到
眾奴伺其至皆迎車而拜徑將他車獨入眾人悉驚謂他
與讓善爭以珍物遺他他得之盡以賂讓讓大喜他以蒲
桃酒一斛遺讓即拜涼州刺史他生達少入蜀其處蜀事
迹在劉封傳魏志注引
決錄並注

澍按涼州人名不令休其句未詳疑有訛字

韋誕字仲將除武都太守以能書不得之郡轉侍中典作
魏書號散騎書一名大魏書凡五十篇洛陽鄴許二都始
成命誕銘題以為永制以御筆墨皆不任用因奏曰夫工
欲善其事必先利其器用張芝筆左伯紙及臣墨一作引有
皆古法
三兼此三具又得臣手然後可以逞一作
盡徑丈之勢方寸
千言太平御覽
引決錄

澍按北堂書鈔引云韋誕奏蔡邕自矜能書兼明斯籀
之法非得紈素不妄下筆工欲善其事必先利其器又
按文章敘錄云韋誕京兆杜陵人大僕端子有文學善
屬辭以光祿大夫卒衛恆四體書執曰誕善楷書魏宮
殿多誕所題明帝立陵霄觀誤先釘榜乃籠盛誕轆轤
多繩引上使就題之去地三十五丈誕甚危惵乃戒子
孫絕此楷法著之家令左伯字子邑東萊人特工八分
與毛弘等列小異於邯鄲淳又甚能作紙漢興有紙代
簡至和帝時蔡倫工為之而子邑尤得其妙見書斷
韋康字元將京兆人也孔融與父端書曰頃見元將來淵
才高茂雅度弘毅偉世之器也昨日又見弟仲將來懿性
真實文敏篤誠保家之主也不意雙珠出於老蚌太平御
覽引決
錄

韋元將身長八尺五寸為郡主簿楊彪稱曰韋主簿年雖少有老成之風昂昂如千里之駒太平御覽引決錄

澗按北堂書鈔引無末句

韋康字元將亦京兆人孔融與康父端書曰前日元將來

淵才亮茂雅度弘毅偉世之器也昨日一作昨日又仲將

又來懿性貞實文敏一作敏篤誠一作開保家之主也不意

雙珠近出老蚌甚珍貴之端從涼州牧徵為太僕康代為

涼州刺史時人榮之後為馬超所圍堅守歷時救兵不至

遂為超所殺魏志注引決錄

澗按此當為摯虞注所引較後漢書注為詳

嚴象字文則京兆人少聰博有瞻宜作瞻智以督軍御史詣

揚州討袁術會術病卒因以為揚州刺史建安五年為孫

策廬江太守李術所殺時年三十八象同郡趙岐作三輔

決錄恐時人不盡其意故隱其書唯以示象魏志荀彧傳注引決錄

澗按趙岐序云其人既亡行乃可書象敗沒在決錄成

書後至韋康遇害岐卒已久尤不相及也此為摯虞注

審矣

時有京兆金禕字德偉自以世為漢臣自日磾討莽何羅

忠誠顯著名節累葉觀漢祚將移謂可季與乃喟然發憤

遂與耿紀韋晃吉本本子邈邈弟穆等結謀紀字季行少

有美名為丞相掾王甚敬異之遷侍中守少府邈字文然

穆字思然以禕慷慨有日磾之風又與王必善因以聞之

若殺必欲挾天子以攻魏南援劉備時關羽疆盛而王在

鄴雷必典兵督許中事文然等率雜人及家僮千餘人夜

燒門攻必禕遣人為內應射必中扇必不知攻者為誰以

素與禕善夜喚德禕禕家不知是必謂為文然等錯應曰

王長史已死乎卿曹事立矣必乃更他路奔王曰必欲投
禕其帳下督謂必曰今日事竟知誰門而投入乎扶必奔
南城會天明必猶在文然等眾散故敗後十餘日必竟以
創死魏志注引決錄

澍按後漢獻帝記注引決錄云云欲挾天子以攻魏南
援劉備事敗夷三族又按耿弇傳紀以操將篡漢建安
二十三年與太醫令吉平丞相司直韋况晃鬲起兵誅
操不克夷族

金禕為郡上計畱在許都時魏武使長史伍必宜作王必將兵
衛天子於許都禕與必善必見禕有胡婢善射必嘗請之
從後也初學記引決錄

耿援字伯緒官至河東太守後漢書注引決錄
澍按援為顯之子尙桓帝妹為河陽太守後曹操誅耿

氏唯援孫弘存焉

史苞字叔文茂陵人也後漢書注引決錄

澍按苞為張掖都尉羣輔錄苞為張掖太守光武封為
扶義侯蓋苞始為張掖都尉及竇融行河西五郡將軍
事以苞為張掖太守光武西征隗囂融率苞等會高平
後封苞為褒義侯

耿寶字君達後漢書注引決錄

澍按寶為龔子位至大將軍而附事內寵與中常侍樊
豐帝乳母王聖等潛廢皇太子為濟陰王及排陷太尉
楊震議者怨之閻太后策免寶遣就國於道自殺

杜陵有王氏音肅玉况字文伯光武以為司徒姓氏辯證引決錄

澍按謝承書云玉况字文伯京兆杜陵人也代為三輔
名族該總五經志節高亮為陳畱太守性聰敏善行德

教永平十五年蝗蟲起泰山彌衍兗豫過陳畱界飛逝
不集五穀獨豐章和元年詔以況為司徒漢書玉音宿
扶風太守侵恭因官居焉姓氏辯證引決錄

樹按廣韻止引侵恭二字

扶風太守渦尚廣韻引決錄

接子名昕著書十卷姓氏辯證引決錄

樹按廣韻引接昕子三字氏族略引卷作篇又按接子

武帝時人與齊接子是二人

希海字子江廣韻引決錄

新豐人弭升以所居為氏姓氏辯證引決錄

樹按廣韻引云新豐彌升彌字訛今改正

金氏日碑本下邳人也太平寰宇記引決錄注

樹按金翁叔本休屠王太子從渾邪王將十萬眾降漢

位至車騎將軍賜田於此歸葬因家焉非下邳人也

周奐字文明茂陵人後漢書注引決錄

樹按後漢獻帝紀大鴻臚周奐同种拂魯旭崔烈王頎

等竝戰沒張璠漢紀大鴻臚周奐為李傕郭汜所殺

王豹出自單門北堂書鈔

樹按張衡傳注王豹以清謳流聲又左傳哀公六年陳

僖子囚王豹於句竇之巨係景公嬖臣非衛人也此王

豹別自一人係漢時

劉龔向曾孫後漢書注引決錄

樹按蘇竟傳延岑護軍鄧仲况擁兵據南陽陰縣為寇

而劉歆兄子龔為其謀主竟時在南陽與龔書曉之李

賢注云前書及三輔決錄竝云向曾孫今言歆兄子則

不同也

寶皇后兄寶建字長君索隱引

澍按皇甫謐云寶太后名猗房史記建弟廣國字少君又前漢書長君寶太后兄少君太后弟廣國之字也絳灌等以兩人所出微為擇師傅長者有節行者與居長君少君由此為謙讓君子不以富貴驕人也

宋皇后父豐字伯遇漢書注引

澍按豐為靈帝宋皇后之父官執金吾封不其鄉侯扶風平陵人

后從帝行幸甘泉宮居長定宮孝成許皇后廢處昭臺宮歲餘徒長定宮黃圖引

未央宮有延年殿合歡殿回車殿黃圖引

澍按三輔黃圖未央宮有宣室麒麟金鸞承明武臺鉤弋等殿又有壽成萬歲廣明椒房清涼永延玉堂壽安

平就宣德東明飛羽鳳凰通光曲臺白虎等殿唐書

未央宮有增成昭陽殿漢宮闕疏云未央宮有麒麟閣

天祿閣有金馬門青瑣門平武蒼龍二闕朱雀堂畫堂

甲觀非常室又有鉤盾署弄田又漢宮閣記云未央宮

有宣明長年溫室昆德四殿又有玉堂增盤閣宣室閣

鎬在豐水東豐在鎬水西相去二十五里後漢書郡國志

漢平陵縣大丘城一名槐里城一名廢丘太平寰宇

辟雍水四周於外象四海也太平御覽

武帝時後宮八區有昭陽飛翔增成合歡蘭林披香鳳皇

鴛鴦等殿後又有增修安處常甯蒞若椒風發越蕙草等

殿玉海引

澍按一引云成帝趙皇后居昭陽殿有女弟為婕妤好貴

傾後宮昭陽舍蘭房椒壁班婕妤好居增成舍哀帝時董

賢女弟為昭儀居舍號曰椒風

長安城西門曰便橋橋北與門對因號便橋三輔黃圖引決錄

澍按潘岳西征賦津便門以右轉究吾竟之所暨張銑

注便門便橋又按便門即隗囂傳之平城門也平便音

同通用

長安面三門四面十二門皆通達九達以相經緯衢路平

正可竝列車軌十二門三塗洞開隱以金椎周以林木左

右出入為往來之徑行者升降有上下之別班固西都賦

云建金城之萬雉呀周池而成淵披三條之廣路立十二

之通門內則街衢洞達閭閻且千九市開場貨別隧分又

張衡西京賦云城郭之制旁開三門參塗夷庭方軌十二

街衢相經塵里端直薨宇齊平是也三輔黃圖引決錄與玉海所引微異

扶風扶風化也郡國志引決錄注

馮翊馮依也翊明也郡國志引決錄注

雒陽古之周南今之雒陽郡國志引決錄注

澍按水經注引摯仲治曰古之周南今之洛陽漢高祖

始欲都之感婁敬之言不日而駕行矣屬光武中興宸

居洛邑逮於魏晉咸兩宅焉故魏略曰漢火行忌水故

去其水而加佳魏為土德土水之牡也水得土而流土

得水而柔除佳加水

京兆京大也天子曰兆民郡國志引決錄注

鰲魚肥炙甚美諺曰盍去累世宅不弃鰲魚額太平御覽引決錄

澍按此文係三秦記今入三秦記中

八節
鑿

三輔決錄卷二

順德龍鳳鑿校琴

三輔決錄卷二

光緒六年順德
龍氏知服齋鑄

欽定四庫全書提要

南嶽小錄一卷

唐道士李冲昭撰卷首有自序稱弱年悟道近歲依師泊臨嶽門頻訪靈蹟徧閱古碑及衡山圖經湘中記仍致詰於師資長者嶽下耆年或得一事旋貯篋笥撮而直書總成一卷案書中有咸通年號當作於懿宗以後序末所題壬戌歲蓋昭宗天復二年也舊唐書經籍志新唐書藝文志皆不著錄鄭樵通志藝文略始載有此名與此本卷數相合惟冲昭作仲昭或傳刻誤歟書中先列五峰三澗次敘宮觀祠廟壇院之屬而以歷代得道飛昇之迹附之雖黃冠自張其教不無夸誕之辭而唐世名山洞府之書如盧鴻一嵩山記張密廬山雜記合狐見堯玉笥山記柱光

庭武夷山記今並無存此獨以舊本流傳勝境靈蹤足資掌故是亦攷圖經者所宜徵據矣此本為明蔡汝楠守衡州時所刻苒有小引亦謂所載事蹟名物悉與今本不同云

南嶽小錄

唐道士李冲昭撰

敘嶽

南嶽者周禮職方氏曰南嶽之鎮曰衡以其分當翼軫光輔紫宸鈴五氣之根鈞五靈之德上列注生之宿下符長育之功稱物平施故謂之衡山五嶽真形圖云鷲廬夙麻玉笥洞陽小瀉九疑羅浮等十山為之佐命復有神仙聖境四朱陵洞洞天也又云山稟靈氣時有異人又福庭誌云朱陵之天周環七百里七十大峰有五小峰有二壇露光青玉學道居此庭世上昇又青玉壇洞靈源光天壇悉是福地五嶽作鎮皆有高真統治蓋以道雲雨養萬物惠羣生者也

五峰

祝融峰 紫蓋峰 雲密峰 天柱峰 石廩峰

祝融峰去地高九千七百八十丈在諸峰之北最高擁諸峰而直上有祝融廟基及青玉壇光天壇白壁壇雷公池風穴仙梨樹上清院基峰之東南有李泌書堂

紫蓋峰去地高四千五百丈九尺其形嵯峨有似麾蓋因以為名上有仙人池七真閣下有紫蓋院基王氏藥室

雲密峰晉夏禹治水登此峰立碑紀其山高下丈尺皆科斗文字近代樵人或有過者其碑至靈隱而不見又有禹溪及隱真平斷石泉朱陵洞丹崖仙人石室存焉

天柱峰其形似柱因以為名亦名柱括峰下有魏夫人石壇或云魏夫人在此處得道

石廩峰遠望如倉廩其上方闊十丈傳云傍通洞府管有洞門觀胡浮先生常乘白豹遊之又有小石廩峰下有舜

廟又有華蓋响嘍擲鉢回雁皆小峰之數

三澗

靈澗 壽澗 洞真澗

靈澗以其通於仙源而多靈藥是有其名出紫蓋峰西逾聖壽觀合壽澗南下嶽觀分注平野及有洞真澗

司天霍王廟

司天霍王廟在嶽觀南去觀百餘步今以南方屬火配神曰祝融玄宗封為司天王以配夏享有廟令司人本廟在祝融峰上隋代還移廢華蓋觀而建立今祝融峰頂有古廟基存焉

真君廟

真君廟在嶽觀之東五十餘步本與司天王同廟各殿開元中司馬天師上言五嶽洞天各有上真所治不可以

會之神同其雩祀既協聖旨爰勅清廟是嶽也啟夏之際
潔齋致醮兼度道士五人長備焚脩灑埽卽開元十五年
五月十五日明制也五靈經云佐治者九人從吏三百人
洞衛官二萬人爲國家祈眞請命之地上眞記云太虛眞
人領南嶽司命卽炎老君也潛山眞人鮑君副治霍山眞
人韓君佐治金華眞人黃君初平天柱眞人左君元故南
霍眞人鄭君名遠霍林眞人許君暎丹霍眞人周君陽紫
虛元君魏夫人華存竝居佐命之曹吳越楚蜀之會皆當
司察之

衡嶽觀

衡嶽觀在華蓋峰下案舊碑晉太康八年徐眞人靈期鄧
眞人郁之建置梁天監三年周眞人靜眞再加弘苜武帝
賜三百戶莊田充基業至隋大業八年詔請祭天師法濤

李天師法超在觀焚脩興行教法其衡州府庫田疇雜物
竝賜觀資用唐貞觀二年太宗重書額請張天師惠明度
道士四十九人爲國焚脩高宗弘道元年請業天師法善
封嶽辟方四千里充宮觀長生之地禁樵採斷畋獵罷獻
琛以爲常典觀內有田先生得道降眞堂劉天師眞堂後
有尹眞人上昇壇其觀碑文隋學士曾憲撰今見存焉

招仙觀

招仙觀案舊碑文曰肇基劉宋分字蕭齊又別傳晉咸甯
間徐眞人建置至齊延興元年七月二日有住持昇玄道
士張曇要乘鶴白日冲天其夜雷電激吼天地震動今觀
後約一里地有朝天香壇存焉唐貞觀二年蕭天師靈護
廬陵人時在嶽招仙觀亂後荒涼天師素能點化之術遂
點化黃白之物投外藩轉錢物而荆觀宇不數年克致完

百病小錄
三
合貞觀五年建尋真閣

九真觀

九真觀案碑文晉太康中鄧真人建置徐真人祠唐開元中有王天師仙喬初天師爲行者道性冲昭有非常之志因將嶽中茶二百餘甌直入京國每攜茶器於城門內施茶忽一日遇高力士見而異之問其所來乃曰某是南嶽行者今爲本住九真觀殿宇破落特將茶來募施主曰於是力士上聞玄宗召見嘉歎久之問曰爾有願否對曰願鬱鬱家國盛濟濟經道興上深加禮焉但於內殿披度厚與金帛建置令歸嶽中修初觀宇不數年而完全道行愈高聲流上國尋有詔命封爲天師乾元二年三月三十日得道

又有薛天師季昌本綿州綿竹縣尉在京捨官入道志操

不羣將歸南嶽上聞玄宗玄宗嘉之亦厚頒金帛上命筆賦詩送贈有序曰鍊師初解簪裾栖心衡嶽及登道錄慨然來茲願歸舊居以宇虛白不違雅志且重修忽遇靈藥志人時來城闕也乃賦詩一首寵行云爾詩曰洞府脩真容衡陽念舊居將中金闕要願奉玉清書雲路三天近松溪萬籟虛猶期傳祕錄來往候仙輿後封天師天師又師司馬天師玄宗禮重呼爲道兄凡是觀中雜物多是恩賜臨行又贈金器一百事銀器二百事綿帛至多皆有御禮天師以乾元二年二月六日得道自離亂後焚燒蕩然雖重修舍宇竟未完復唯有鐘恩賜鐘一口重四千斤咸通中有王尊師名因節住持道行出眾營緝至多聲達京師爲王侯所重今在北嶽封總敬大師觀後有白雲先生藥堂又有一小池名甘泉其泉味甘屢茶似乳舊日亦有甘

泉院

西靈觀

西靈觀案圖經云梁天監五年建置本女真住持經兵火後未暇修營西有魏夫人仙壇開元中有女真薛師在觀得道又於晨溪別構道院每出入常有白豹隨行遊歷洞府薛天師常詣之不與相見後不知所之

聖壽觀

聖壽觀本靈夏盧尚書名藩書堂以咸通六年抗表奏捨為聖壽觀觀內盧公真堂壇殿儼然又有層崖峭壁修竹茂松澗水潺湲風景甚異

九仙宮

九仙宮本張真人名始珍所居有石壇方闊丈餘梁天監三年有仙者八人迎張真人於石壇上同昇天去咸通九

年衢州刺史史觀奏置宮額十年十月敕下宜依所奏行之

中宮

中宮本梁朝王真人靈輿修行上昇之處又大厯年李得琳先生居之得道

元陽宮

元陽宮本晉朝陳真人興明修行上昇之處

上清宮

上清宮本徐真人靈期修行上昇之處大厯七年有玄和先生張太空居之得道又大中九年韓威儀居之得道

紫虛閣

紫虛閣有魏夫人仙壇高一丈二尺一圓平約闊一丈亦名飛流壇傳云夫人自撫州乘龍飛來至此夫人晉太尉

舒之女諱華存號上真紫虛元君有臺閣儀像儼然又云晉咸和年於此修道又北去半里有神溪投龍潭再修齊畢投金龍於此

石室隱真宮

石室隱真宮大歷年中廣成劉先生玄靜修行之處行三五步內奪虎穴而居之名曰隱真宮刺史韓皋出俸錢爲初會真閣初先生在茲十五年餘修道莫有知者時因太史占之云有真人星見隱者在茲嶽得道應於天文上聞武宗武宗遽降詔命委本道監軍使遣人賫詔徵召使人到嶽遍尋無所不至忽一日中使人行及中宮西南面二里餘歷嶮攀蘿見一石室深邃屈曲有住之家於是攀藤蘿入深嶮乃見先生凝然而坐中使宣命先生初乃佯狂後卽承命尋赴闕庭詔封爲帝師號廣成先生卻復茲地

未幾而羽化今石室有管時鑄石爲醮壇天寶臺確磴巖岳碁局茶竈燈臺皆就石而琢成之今悉存焉

凌虛臺

凌虛臺管有薛天師季昌周尊師混汗相次居之得道

洞靈臺

洞靈臺本李天師明俊居之得道亦是福地

添香臺

添香臺管有女真居之得道今臺及聖境存焉

劉根先生藥巖

劉根先生藥巖管有仙人劉根居之修行之所在九仙宮之西北頗甚深邃亦殊異之境也

紫蓋院

紫蓋院管有道人建置亂後唯基址存焉

白雲先生藥堂

白雲先生藥堂在九真觀西開元中司馬天師承禎本號
白雲先生後授貞一先生嘗於此修行

尹真人壇

尹真人壇在嶽觀北百餘步真人諱道全上昇之處

田先生藥巖

田先生藥巖在中宮東面百餘步先生諱良逸元和中修
行於此後得道

北帝院

北帝院在嶽觀北去觀三里管有女真佞諫師居之修行
勤於香火後亦得道

洞真瀑布

洞真瀑布在招仙觀北去觀二里瀑布如簾垂及亭臺碑

文紀其勝異上有朝天壇管日張真人曇要上昇之處又
下有投龍潭每修齊畢投金龍於此也

王氏藥院

王氏藥院成通間有術士王生居之有茂松修竹流水周
遶及多榷樹茶園今基地存焉

光天觀

光天觀傳云融峰院是觀基

隱真平

隱真平在雲峰之中坦然而平方闊五里是神仙遨遊之
所時人尋之少有到者

斷石源

斷石源在隱真平水源有石高數丈闊數尺而中斷上有
鐫字云此有丹砂水如乳而甘香有人得掬飲之可壽至

千歲尋遊者到此間唯聞石下有流水之聲在左邊聽即落右邊在右邊聽即落左邊罕有得者

朱陵洞

朱陵洞即三茅洞天在九仙宮正西三里有石巖下有平石方二丈是舊時投金簡之所傳云朱陵洞之東門也

齊代九真人

陳真人興明居元陽宮晉武帝泰始元年三月一日上昇
胡浮先生姓施名存居洞門觀西峰構虛閣晉惠帝永康九年四月上昇

尹真人道全居嶽觀溪晉懷帝永嘉元年正月九日上昇
徐真人靈期居上清宮宋元徽二年九月九日上昇
陳真人惠度居古玉清宮齊武帝永明二年五月十三日上昇

張真人曇要居招仙觀齊延興元年七月三日上昇
張真人始珍居九仙宮梁天監二年七月十三日上昇
王真人靈輿居中宮梁天監十一年七月十三日上昇
鄧真人郁之字玄寂居洞門觀梁天監十年十二月二十日上昇
又有雙襲祖雙子辨二人相次得道

唐朝得道人

在嶽一十四人

殷先生景童天寶十七年七月三日得道
蕭先生靈護弘道三年八月十五日得道
李天師思慕天寶十四年八月廿六日得道
何尊師隱其名天寶二年十月十五日得道
薛天師季昌乾元二年二月六日得道
王天師仙喬乾元二年三月三十日得道

傅天師待仙乾元三年十二月七日得道

董先生秦仙大曆元年十一月六日得道

玄和張先生太空大曆七年二月八日在上清宮得道

李先生德琳大曆十二年九月五日在中宮得道

田先生良逸元和六年正月七日在降真院得道

廣成劉先生玄靜大中五年五月十一日得道

周尊師混汗會昌二年正月得道

韓威儀大中元年在上清宮得道

田先生有弟子陳徵君馮徵君張徵君三人不就徵皆於天台山相次得道

真君傳

漢中壘校尉劉佃撰

赤松子者神農時雨師也服水玉以教神農能入火自燒數往崑崙山中常由西王母石室中隨風雨上下炎帝少

女追之亦得俱去至高辛時復為雨師焉王母者神人之

面蓬髮戴勝虎爪善嘯巖居名王母在崑崙之墟焉讚曰

渺渺赤松 飄飄少女 接手翻飛

泠然雙舉 縱身長風 俄翼玄圃

妙達坎巽 佐範司雨

田先生寫真讚

蒙谷子諸葛黃撰

田先生實衡之逸民間世所出天然真氣生而知道醅孝
養親得混朴自然之理言貌不飾裘褐垢弊侯王禮重我
亦不榮叱隸給輕我亦不陋驅役鬼神意往即至一入衡
嶽踰五十年九百門人皆是軒冕請為法主一作帝師廣
成先生是也即先生之道其可知也儀刑可質圖寫存焉
自始及今未有稱述黃承其闕序以讚云

靈根獨秀

真人閒生

仙非積學

道乃大成

汪汪德貌
猶可作程

落落神情

南嶽小錄終

順德龍鳳鑣校栞

凶	忝
出	廩

赤松山志

卷六 續六 孝順德

彘氏知媚齋梨

欽定四庫全書提要

赤松山志一卷

宋道士倪守約撰守約未詳何許人書壽自序稱捨家辭父母來投師資又自署松山羽士知為黃冠書中稱真廟神廟孝廟甯廟知為宋人人物之未稱咸淳年號知作於度宗時矣其書首序皇初起皇初平兄弟仙迹以著是山靈異為全書綱領次丹類次洞穴類次山類次水類次宮宇類次人物類次制誥類次碑籍類書末又有正統四年明英宗御製數行非詩非文似乎聯額與此書篇頁不相屬蓋後人所附入明代刊本喜於竄亂古書往往如是今刪汰不錄以存守約之舊焉

以符...
 人即...
 信非...
 穴...
 只...
 中...
 宋...
 赤...
 卷...

金華赤松山志序

余自齟齬慕希夷之風覩為葛天氏之民家廡松山之左
 巨所間目所見凡赤松子二皇君得道之由來雖未能詳
 知而歷貫亦已默契乎胸中矣遂捨家辭父母來投師資
 粵自承恩備冠裳未數積今四十餘年晨香夕燈未嘗敢
 懈每靜坐丹晨靖中無他念想惟恐靈蹤仙跡無以啟迪
 後人巨家山舊有刊本事實歲久而磨滅不存余曰既為
 二皇君之子孫忝沖和先生之餘裔其可使祖師之道不
 顯乎乃採撫源流舉其宏綱撮其機要定為一編號曰赤
 松山志俾來者有可披焉若夫神仙傳記之所錄經典碑
 銘之所載父老之所傳風月之所詠觀乎此則不待覓搜
 而後知也偈曰掛一漏萬擇焉而不精語焉而不詳則負
 罪其奚以文松山羽士竹泉倪守約序

案傳記云郡人徐氏遇而得仙徐氏今日壺天真人奔
碁之所今日碁盤其所由來者漸矣真人既遇赤松子
乃隱匿名字寄迹於上霄優游洞天之左而修煉靈元
卒能乘雲御氣賓於帝庭真人既不炫世故時代亦不
可破然流福一方民到於今受其賜修煉之所今日壺
屏亦曰徐公壺真人之祠宮中及碁盤壺屏俱有祠焉
凡遇祈禱守宰必迎奉香火求請聖水每歲一郡士民
祭祀日以爲常

金華赤松山志

宋道士倪守約撰

一 皇君

丹谿皇氏婺之隱姓也皇氏顯於東晉上祖皆隱德不仕
明帝大甯二年四月八日皇氏生長子諱初起是爲大皇
君成帝咸和三年八月十三日生次子諱初平是爲小皇
君二君生而穎悟俊拔秀譽有異相小君年十五家使牧
羊遇一道士愛其良謹引入於金華山之石室蓋赤松子
幻相而引之小君卽煉質其中絕棄世塵追求象罔且謂
朱髓之訣指掌而可明上帝之庭鞠躬而自致積善累功
踰四十稔大君念小君之不返巡歷山水尋覓蹤跡而不
得見後遇一道士善卜就占之道士曰金華山中有牧羊
兒非卿弟邪遂同至石室此亦赤松子幻相而引之兄弟

相見且悲且喜大君問曰羊何在小君曰近在山東及大君往視了無所見惟見白石無數還謂小君曰無羊小君曰羊在耳但兄自不見便俱往山東小君言叱叱於是白石皆起成羊數萬頭今臥羊山卽是其所大君曰我弟得神通如此吾可學不小君曰惟好道便得大君便棄妻兒畱就小君共服松脂茯苓至五千日能坐在立亾日中無影有童子之色修道既成還鄉省親則故老皆無在者今石室之下有洞焉蓋二君深隱之祕宮也二君以服脂茯苓教授弟子南伯逢等其後傳授又數十人得仙神仙傳曰二君得道之後大君號魯班小君亦號赤松子此蓋二君不眩名驚世故詭姓遁身以求不顯此乃祖述赤松子稱黃石公之遺意也二君道備於松山絕頂爲煉丹計丹成大君則鹿騎小君則鶴駕乘雲上昇今大蕢山卽是也

二君旣仙同邦之人相與謀而置棲神之所遂建赤松宮借其師赤松子而奉祀焉召學其道者而主之自晉而我朝香火綿滋道士常盈百敬奉之心未有涯也案仙錄南嶽衡山太虛真人得道處玉帝命小皇君主之賜神姓崇名壘號司天主世界分野孝廟淳熙十六年封大君爲沖應真人小君爲養素真人理廟景定三年加封大君沖應淨感真人封小君養素淨正真人猗歟休哉大道流行正教恢闡福庇於茲垂千萬年

丹類

遺丹

案遺丹記云二皇君煉丹成道而上昇丹竈故基與井俱存遺丹在山變現不常或大或小或近或遠人多目擊不可枚舉丹山遇夜及昏或隱晦或煙雨必霏霏如日出光

豈非遺丹之洞煥歟今略摭一二言之守山道士吳奉師常畜白雞伺曉一日間雞驚鳴舉首視之乃啄一物微似彈丸有五彩光卽以合格之亟招同袍作禮及偕來啟合丹已去矣又守山道士沈應符至更初見窗外光彩閃爍遂開戶視之有物大如雞子其光漸遠又卽近其光愈遠復歸戶其光照窗如初殊不知山神呵護可遠觀而不可褻翫焉

丹竈

竈如三級壇上有丹鼎

丹墓

在丹山大清殿之左以眞陽所聚遇雪不積草木不萎

洞穴類

洞元洞天

係三十六洞天亦名金華洞天與赤松山相接分上中下三洞上曰朝眞中曰冰壺下曰雙龍奇偉峻拔岩穴奮踞風雲凝互氣勢磅礴上逼牛斗之輝下接羅浮之脈上洞有石眞人儼然臨跨莫測端倪中洞有水簾直下寒玉橫飛其間有石像石筍等案之仙經知其有異山神守衛不通塵迹下洞有石龍虎獅象麟鳳鐘鼓之類難可枚數又有雪山等處鄱陽湯中曾有詩曰金堂玉室相掩映珠簾翠箔誰褰開蓋以洞中有動用什物室宇戶牖故也下洞門極低非舟不可入旣入非燭不可見此洞天元係赤松所轄據博異志云皇氏兄弟得道游止之地洞天福地志云郡人皇氏於此學道凡投告龍簡必至焉理廟嘉熙間祈嗣告盟於此宮中有御醮青詞碑可攷

優游洞

在上霄去宮十里去壺屏一望之隔洞門高五尺許入門則高廣二三丈自左昇梯而上又於上扶梯而入其中舉而視之則虛曠如大廈數十間之廣又出於三十六洞天之外煙霞交鎖石髓流英父老所傳則曰壺天眞人所治之區二皇君校籍之所潛齋王公坐亦畱題曰上霄非晚出煙霞寄孤嶠青广既鬱鬱白乳仍皜皜徐眞人有祠其側

石室洞

在螺螄岩之側卽赤松子引小皇君入山修道之所上則石室高深丈餘方廣相等洞在其左自二皇君得道之後洞門深鎖人不可到

山類

金華山

周迴數十里卽赤松山是也抱朴子云此地可以居神免五嶽洪水之患漢三十代天師虛靜先生張君好善嘗一游歷慨慕赤松子之風二皇君之迹乃畱詠曰家在白雲中約住赤松子揭來此山游龍虎鎮相似金華莫外求黃芽已如此

煉丹山

高數千尋去宮五里自宮左循坦途而去至山下度小橋由峻嶺而上其上平曠景物不凡一望數百里近在目睫蓋二皇君煉丹之所其上有菴歲差道士主之丹光洞煥輝潤草木山中凡可以爲藥者二百餘種梁沈約爲本郡太守有詩紀之朋來握石髓賓至駕輕鴻都令人徑絕唯使雲路通紹興間降香祈福於此其下有仙田凡一二里細碎不成片段遠望高下若階級相傳以爲二皇君植靈

赤松山志 四
苗胡麻之地自五代以來嘗以種香黍每歲必以進貢唐本觀道士舒道紀有詩云至今丹井水香滿此山田後因雜種五穀而此田所出不復可進矣

臥羊山

周迴數里其高數十尋正與赤松宮相對卽小皇君叱石成羊之地其上石羊現沒無常山神呵護不容凡人有所希覬林木茂盛深不可入東坡先生嘗有詩讚之曰先生養生如牧羊放之無何有之鄉止者曰止行者行先生超然坐其傍挾冊讀書羊不化而爲石起復僵流涎磨牙笑虎狼先生指呼羊服箱又太學博士三山鄭士懿來此曾有詩曰見羊疑是已叱石見石翻疑未叱羊非石非羊何所見這三意思難商量

大黃山

在宮之東一里而近乃二皇君飛舉之地俗呼爲墮隊山以山勢自壺屏奔龍而下蟠結於此岌岌其勢故也

聖石山

在臥羊山之左宮之南其山相對隔漢皆田也向有十數巨石在田中其廣數圍妨礙耕作乃禱於二皇君次曉則石已飛過山傍眾歎神異指爲聖石二皇君差仙官主之

螺螄巖

在石室之左其巖內竅通於石室洞外有峇峇之形內有空洞之象巖勢盤折若螺螄就以爲名

劉道巖

在螺螄巖之左谷有學道者劉道人於此得道而去

壺屏

在優游洞之左壺天真人修煉之所此地實處履之空空

有聲虛處隨足陷沒不可舉

水類

小桃源

在宮之側宮內自左廡可問桃源之津泝流而葑泉石相搏無風而濤行且百步有亭曰物外又百步橫澗爲橋橋日二峽驚濤怒號葑莫知所窮後不見其所止殆與塵世相隔過磐石臨淡流不特與物外異亦與二峽異橫絕一小橋有亭在大石上日石泓又泝而上潺湲不絕度傑石而後可據槁梧而坐丹山可由茲而上此乃二皇君三元人節邀集羣仙校籍之所山中人早行嘗有聞如官府拷掠聲遲明尋覓則又杳無所見管有栖碧御風冷然等處今不復存東萊呂先生有記以紀其勝

丹井

在丹山左隅二皇君得道將欲飛舉乃爲石屏上有石荷蓋與龕相類奉所事石老君於內而埋井中不使後人知神仙蹤迹及井所在卻以他井代之其泉冬夏不涸可以治病神濟無方後有慢道者厭觸之其泉不通此井自塞守山道士方以井閉爲懼二皇君乃親降指示故井因忽不見亟鳩工掘土則見所藏老君在龕中顏色嚴古冠裳坐屐皆肅整殆若天降眾共驚愕乃奉祠於太清殿今之丹井實故井也梁國葛惟肖乃稚川巨孫有詩紀之日煉歌紫河車汲此太陰精鉛男沈玉洞永女隱金城蓋爲是也

聖石灣

在宮葑送客亭下聖石山之左中有聖石屹立不動壺天真人曾參龍於此

清水潭

在宮之右過清亭之笄笮有一大石羊在此神仙恐為凡人所得其羊竟滾入潭中而不可見皇祐間洪水衝倒鐘樓鐘亦滾入其中竟失其所至今凡遇風清月白之夜聞其下鏗金琳瑯之韻似合步虛之節

宮宇類

寶積觀

即赤松宮案觀碑自二皇君因赤松子傳授以道而得仙同邦之人議曰管崆峒訪道帝王有順風之請瀨鄉立祠桑梓置樓神之所茲為勝地可得忽乎遂建赤松宮真廟大中祥符元年始改今額宮與臥羊山相對宮笄有二派水合為一流其一自上霄而下其一自碁盤穿小桃源而下宮內由左廡而上可問桃源之津由右廡而入可尋濯

纓枕流之勝又數步可坐過清亭而觀漱玉徘徊官廳可覽騷人勝士之風月朝廷所降御書及石刻并誥勅等見奉安於宸翰堂宮中自沖真董先生立名於東京中太乙而顯道振宗代不乏人自紫虛黃先生重興觀業而規矩一新

金草觀

在雙龍洞側掌三洞香火元係赤松下觀

雲巢菴

在丹山上有屋數十楹宮中歲差道士往主之非惟巡掌形勝士夫捫松蘿而訪仙者則儻相游覽焉

太清殿

在丹山上雲巢之側今奉事石老君香火

二皇君祠

在大黃山下守宰謁告必至焉范浚有詩云靈祠千古餘
真跡祠下老松高百尺仙子騎鯨去不歸幾回俗問山中
石

壺天真人祠

在優游洞壽一在壺屏一在碁盤一在宮內禱祈不絕

聖石仙官祠

在聖石灣左守掌聖石案識記云此石乃金寶所化能現
光彩故二皇君令仙官主之

丹山仙官祠

在丹山上雲巢菴之側每遇丹光吐納必由於茲民有禱
祈動無不應凡有登丹山而不加敬者必有彰報之驗而
俾隆信道之心

雲臺觀

在城西十里外名曰鮑屋元是羅仙姑兄弟二人修道之
菴曾遇白衣仙人而不火會繼有何仙姑兄弟二人復紹
此菴請牒為女冠亦八十餘而化後赤松子首移請蘭溪
廢額以隸屬赤松下觀云

凝神菴

在城西十里外去溪陂塘一里乃朱宗師退修之地宗師
勇退觀事結菴於此以奉父母香火誓絕人事而戶外之
履滿多訪焉潛齋王公埜有詩詠之拋卻林泉趣卓
菴臨近村兩窗吞日月一室養乾坤菊露秋籬重松風午
枕喧蒲團數胎息不肯學傍門後數年遭遇理廟賜凝神
齋高士遂以為名其後又復得御書凝神二字因以為額

人物類

舒先生

先生名道紀唐代人也生長於婺爲赤松黃冠師存心養性之外惟以文墨自娛名公遞相推敬遊歷江湖在處寄其風月之章時有薦之於朝而大用之則又拂袖而去若將浼焉埋光鏟彩不求名聲自號華陰子常與禪月大師貫休爲莫逆交日夕瞻仰二皇君之祠若意交神會人莫測其遇與不遇也曾有詩曰松老赤松源松間廟宛然人皆有兄弟誰共得神仙雙鶴冲天去羣羊化石眠至今丹井水香滿此山田其後亦卻奄不疾而化又數年有於赤城見之者

冲眞董先生

先生名惟滋好學篤文不事生業隱寄赤松解悟經品思通神會時貴以先生名薦之於神廟召試諸經理義敷暢上悅賜度牒爲赤松黃冠師繼賜冲眞師號及紫衣未幾

掌東京中太乙事及哲廟元祐間乃丐歸家山上嘉之復敕領寶積觀事

紫虛洞靈黃先生

先生名彥達字行可本郡人其家去宮二十里紫虛洞靈其師號也博學羣書精於唐宋之詩遇至人授以祕術於是諸大法無不參行救人疾苦祈禱響應四方歸向皆目之曰黃真人至紹興間主觀事凡三十餘載一新觀規增置田畝道行賴其休庇至今無乏嘗置靈機堂爲修存導養計得暇則以琴棋自娛

至樂先生盛君

先生名曠字元放武林人也其母夢吞五色光而有姪自十歲學道於金華三洞及十五六遷寓赤松呵咄外喜吟詠凡寓於物入於題者必發而言之有華松篇一帙益取

金華赤松居處之意也默朝內煉靡所不解紹興間因內
嬪傳其斬赤龍之道高廟間其名詔寫其容而召之乃野
服入觀上賜坐談玄館於玉津園尋降賜御書扇又命其
勘校道書繼而奏請如蜀之青城等處蒙恩允又賜空名
度牒數道以資餼糧之費及回入觀上上悅賜至樂先生
之號及金玉等物謝恩還山遂於宮中築一小菴曰迎陽
先生尤精於易時與鶴山劉大辯講析其中又於所泊處
命曰至樂窩愈默修煉嘗獨吟曰刊名紫簡羣魔賓扶桑
陽谷奏玉晨控駕三素輔翊宸敢忘南嶽魏夫人年七十
餘跌坐而化

冲和先生周君

先生名大川字巨濟號澄齋本郡人也自幼入道潛心宗
風承恩後有術者相之曰此人必可一言悟主及年德俱

備靈廟間其名乃詔入觀館於高士堂尋奉萬壽香火上
甚禮貌之乃爲家山申請免和買雜敷仍立山門道正司
又數年謝絕輒紅歸養故業眾又挽爲家山主人愛常住
毫髮無欺贍眾無乏莊田負逋則捐己資而代償謹聲載
道若夫吟詠抒情橫琴樂道人所不能易及也與通妙先
生易君如剛爲莫逆友嘉定間上猶愛念二人俱賜象簡
又俱賜先生號所得御書見崇奉於冲和道院之御書閣

道錄吳先生

先生名養浩平生讀書不倦十行俱下遊歷江湖則與雲
泉高士楊休文爲文章友玩弄筆硯朝中公卿皆屈禮招
致之紹定間文聲益振理廟間其名召入觀令主太乙自
是聖眷彌篤宣賜不一積階至左街道錄年七十餘而化

宗師朱先生

赤松山志
先生名知常字久道號此山本郡人也先生通儒學明釋
老平生茹素嘗曰功名不足挽我慨從赤松子遊爲黃冠
師未半世兩住家山道尊人服寶祐丙辰裕齋制置馬相
公先祖以檄召主茅山玉晨未幾司徒高士師坦以先生
聞於理廟移鎮崇禧次年蒙恩召主佑聖觀遷左街鑿義
凡遇雨陽祈禱屢應上悅遷凝神齋高士開慶間韃虜渡
江犯鄂渚於是上命立壇偕陰兵助戰有驗賜左街道錄
及象簡香合盃盤錢幣至景定四年適茅山上清經籙嗣
教宗師闕員上特御筆以先生名爲四十一代宗師先生
少學易於鄉先生盧端叔後得易說於池陽周元舉遂以
見聞集爲一編進之於上先生得易之道知進退之機咸
淳乙丑浩然有歸志乃於房院之後築小菴以自娛

制誥類

赤松凌虛眞君制

敕道無方體供物之求兆見機祥發於感忽赤松眞君紀
於仙錄神農之師雨暘並時有求必應一方所仰千載若
存祇答靈休用伸茂典可加號赤松凌虛眞君

元符二年制 制在臺

一 皇君誥

敕黃老之學雖以虛無爲主澹泊爲宗而原其用心實以
善利愛人爲本初起眞君初平眞君爾生晉代隱於金華
叱石起羊以爲得道之驗汲井愈疾益廣救人之功歸然
仙宮赫爾廟貌一方所恃千載若存東陽之民合辭以請
其案仙品崇以美名緬想靈旂鑒吾褒典

初起眞君可特封冲應眞人

初平眞君可特封養素眞人

清熙十六年六月十七日

加封

較至真之妙昉於莊老之論神仙之事盛於秦漢以來然
超乎冥漠之無形而邈若昭彰之有驗弟一位冲應真人
弟二位養素真人惟爾兄弟流芳史書石吐而能起成形
丹存而尚留遺燄駕霧騰雲則若恍若忽祈晴禱雨則隨
感隨通至今寶積之祠起敬金華之地宜加徽號以稱真
風

第一位冲應真人可特封冲應淨感真人

弟二位養素真人可特封養素淨正真人

景定三年十二月十日

碑籍類

碑

老君聖像碑

二皇君誥碑在二皇君祠

真武戒世碑在真武堂

御書蘭亭碑

御醮碑

御香碑在宸翰堂

寶積觀碑張虛靜先生撰

三清殿碑路說撰

遺丹記碑

遺丹贊碑竝厲堃撰

會仙閣記碑

赤松山碑李陽冰書

長生碑唐咸亨四年立

陰符經碑

小桃源碑

物外碑

洗耳碑

竝虞似良書

太上感應篇碑

青雲閣記碑

竝在青雲閣下

名公游山題詠碑

不可計數散在廊廡及官院并諸房院等處

檀信長生齋碑

檀信遠日齋碑

竝在西廡

敕賜宗師碑

在此山道院

文籍

赤松子中誠經

在沖和道院

霍如菴參同契

在瞻翠閣

注太上感應篇

在青雲閣

經進易解

在此山道院

金華赤松山志終

順德龍鳳鑣校棊



